



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1204. Usque Ad Annum 1230

**Fleury, Claude**

**August. Vind. [u.a.], 1763**

**VD18 90118030**

§. 57. Cædes Episcopi in Scotia.

---

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

Sæcul. XIII.  
A. C. 1222.

§. LVII.

*Cædes Episcopi in Scotia.*

In Scotia exorta lite inter Episcopum Cathenensem seu Dornocensem ejusque Diocesanos de Decimis ac quibusdam aliis Ecclesiæ suæ juribus, res ad Regem delata, & quorundam virorum Ecclesiasticorum opera composita est. At ecce Episcopo ad propria redeunte, Diocesani acrius commoti, quod contra ipsos Ecclesiæ suæ causam strenue egisset, in eum irruunt, atque vestibus spoliatum, cæsum, lapidatum, bipenni ad mortem vulneratum, tandem in coquina propria, ejus interitus avidi, concremant. Interea Rex Scotiæ in Angliam proficiscebatur, gravia Regni sui negotia transacturus, jamque ad extrema Ditionis suæ pervenerat, cum patratum scelus inaudit. Tunc vero dolore obrutus, dilato itinere, & contracto exercitu, ad perdendos malos se accinxit. Episcopi autem Scotiæ, datis ad Honorium Papam literis, tetrum facinus retulerunt, rogantes, ut Regem hortaretur, ne immanes paricidas relinqueret impunitos. Papa itaque, dilaudato Regis fervore pro libertate Ecclesiæ, eum ad persequendum Episcopi interfectores excitavit. Præcepit etiam Episcopis, ut paricidarum & omnium consciorum terras

ras Interdicto Ecclesiastico ferirent. Hæc Sæcul. XIII.  
omnia ex Epistola Pontificis, ad Episco- A.C. 1223.  
pos Scotiæ die decima tertia Februarii  
anno millesimo ducentesimo vigesimo 7. ep. 75.  
tertio Romæ data, cognoscimus. Rain. 1223.  
n. 50.

## §. LVIII.

*Friderici & Regis Hierosolymæ  
fœdus.*

Colloquium, quod Honorius Papa in  
causa Belli sacri ad Festum S. Mar- Ric. de  
tini hoc anno millesimo ducentesimo S. Ger.  
vigesimo secundo Veronæ celebrandum  
indixerat, non prius quam anno sequen-  
te Ferentini in Campania habitum est.  
Adfuerunt Fridericus Imperator, ex Si-  
cilia regno suo advectus, Joannes Rex  
Hierosolymæ, qui cum Patriarcha mare  
trajecerat, Episcopus *Betlehem*, Magi-  
ster Hospitaliariorum, Præfectus Templi,  
Magister Equitum Teutonicorum, mul-  
tisque alii ex diversis Regionibus viri.  
Papa quoque, etsi crure altero male af-  
fecto, Roma advenit. Postquam igitur  
de negotio sacræ profectionis diu mul-  
tumque deliberatum, promisit Impera-  
tor, se a Festo proximo S. Joannis intra  
biennium, nempe intra annum millesi-  
mum ducentessimum vigesimum quin-  
tum, in Terram sanctam iter esse  
suscepturum, promissumque jurejuran-

R r 3 do